



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

323.1

U-51

195 JAN 2010

13331

Հասարակութիւն Գրասէնրէզ գրախանորի

ԱԼԷԿՍԱՆԴՐ ԱՄՓԻՏԷԱՏՐՕՎ,

ԵՒՐՈՊԱ

ԵՒ

ՀԱՅԱՍՏԱՆ

Թարգմ. . Մխիթարեան

393.1 (97.925)

Ա-51

1906

Էլէհրատուրձ սպարան «ՀԵՐՄԻՍ» լնկեր.,
Մաղարեան փողոց (144).
ԹԻՖԼԻՍ

Дозволено цензурою. Тифлисъ, 23 феврал 1906 г.

ԵՒՐՈՊԱ ԵՒ ՀԱՅԱՍՏԱՆ

Զարհուրելի դէպքերը, որոնք տեղի ունեցան Անդրկովկասում, նորից առաջ քաշեցին և լուսարանեցին Եւրոպայի համար չարաբաղդ հայկական հարցը: Նախ թուրքական, իսկ հիմա կօզակների անպթութիւնները ուսուական սահմանից այս կողմն անցկացրին Աբդուլ-Համիդի հարեան պետութեան բարքերն ու քաղաքականութիւնը և մի և նոյն ժամանակ սուլթան Աբդուլ-Համիդի զօրքերը մօտեցան ուսական սահմանին ու կանգնեցին այնտեղ ակնյայտնի կերպով սպառնական դիրք ընդունելով: Կուրացած կամայականութեամբ և սուլթանական նախապաշարմունքներով, անմտօրէն օժտված լիազօրութիւններով՝ կովկասեան իշխանութիւնը, լիապէս օգնութիւն և խրախոյս գտնելով Պետերբուրգի աւելի ևս կոյր ու մոլորված կենտրոնի կողմից, անըսպասելի կերպով դաշնակից դարձաւ իր ամենախորամանկ և ամենակատաղի արտաքին թշնամիներից մէկին՝ ծայրագաւառային ազդարնակութեան մի ազգային խմբի դէմ, որ

դեռ քիչ ժամանակ առաջ ամենից աւելի խաղաղը, ամենից աւելի օգտակարն և, թերևս, ամենից աւելի պահպանողականն էր:

Ես շարունակ երկու տարուց աւելի ապրել եմ արտասահմանում, մեծ մասամբ Պարիզում, և այդ ժամանակամիջոցում շատ եմ եղել ուսանայերի հասարակութեան շրջանում և շփվել այդ կամայ կամ ակամայ էմիգրատների հետ: Նրանք մեծ համակրութիւն են վայելում Եւրօպայում: Այստեղ Անգլիոյ վաստան խրժողժութիւններից ստացվող տպաւորութիւնը խորն է և տիրում է առհասարակ մեծ զայրոյթ, իսկ վերաբերմունքը դէպի ուսական քաղաքականութեան քասական տատանումները հայկական հարցի մէջ—եթէ միայն կարելի է այդ արիւնալից անմտութիւնը քաղաքականութիւն համարել—չափազանց ցասկոտ է ու արհամարհական:

Բաւական է ասել, որ տառապող հայութեան պաշտպաններ հանդիսանում են Պարիզում այնպիսի անձինք և հոետօրներ, ինչպիսիք են Փան ժօրէս, Կամիլ Պէլտան, Ֆրանսիս Պրէստանսէ, Անատօլ Ֆրանս, ուրեմն և դժուար չէ երևալ կայել այն մրրկալից շանթերը, որոնցով նրանք անիծում են ուսական բռնութիւնները իրանց ճարտասանական ամբիօններից: Աւելորդ է ասել, որ ուս մարդը, ծանօթանալով հայ էմիգրանտների հետ, չէ կարող նրանցից դուրեկան հաճոյախօսութիւններ և փաղաքշանք սպասել, որոնք շոյէին նրա ազգային ինքնասի:

րութիւնը. և ի՞նչ յուսով պէտք է սպասէ.— արժանի չէ: Բայց ես շատ անգամ զարմացած եմ մնացել՝ տեսնելով այն քաղաքական տակտը, որով նրանք վերաբերվել են Անգլիոյ վաստան անմտութիւններից ստացված տպաւորութիւններին, այն փորձառու և դժուարին խոհեմութիւնը, որով նրանք իրանց ազգային սուգի և թշուառութեան արտայայտութիւնը ենթարկում են ապագայի հեռաւոր միտումներին: Ապշեցնում էր ինձ և այն հանգամանքը, որ այսպիսի մռայլ և խառնափնթոր ժամանակ, երբ մի կողմից տեղական անակընկալ չափազանցութիւնները, միւս կողմից ուսաց քաղաքական սխալները, երրորդ կողմից ուսաց պատերազմական անաջողութիւնները և չորրորդ կողմից ուսական ներքին խռովութիւնները հաւասարապէս զայթաղկեցնում են, կարծես, յեղափոխական տրամադրութեամբ համակված խմբերին ի լուր աշխարհի յայտարարելու Ռուսաստանի լիակատար կործանումը, նրա պետական միութեան անգամահատումը և պատմութեան ընթացքում նրա նուաճած ազգերի առանձնացումը, հայ էմիգրատները, քիչ բացառութեամբ, ամենեւին չէին հրապուրվում այսպիսի հեռանկարով: Ուղիղ է, վրիժառու չարախնդացութեան ըօպէական բռնկումներ երբեմն նկատվում էին, որպէս արդար հատուցումն վիրաւորված ազգային բնազդի, սակայն ազգային բանակաւորութիւնն և խելքը, հակառակ սանձարձակօ-

ըէն մըրկվող տարրերի, անընդհատ կրկնում
 և յիշեցնում են հայերին միշտ մի և նոյն բա-
 նը—այն, որ նրանց կապը Ռուսաստանի հետ
 պատահական չէ, այլ օրգանական: Այդ կապը
 հանգուցել է պատմութիւնը, որպէս հայ ժո-
 ղովրդի ապահովագրութիւն մահմեդականու-
 թեան հոսանքից ոչնչանալու դէմ: Քանզեւ
 նրան անկարելի է—դա կը լինէր ազգային
 ինքնասպանութիւն: Այն անհանդուրժելի
 տանջանքները, որոնք ստեղծվեցին հայ ժողո-
 վրդի համար վերջին երկու տասնամեակի
 ուսացման քաղաքականութեամբ և որոնք,
 իբրև պատասխան, ստեղծեցին այժմեան յի-
 դափոխական շարժումը, միայն ժամանակա-
 ւոր չարիք են, որոնց մէջ Ռուսաստանը, որ-
 պէս ուսաց ժողովրդի կամքն և գործունէու-
 թիւնն արտայայտող ամբողջութիւն, մե-
 դաւոր չէ: Անարդար կը լինէր, որ անգին
 ամբողջութիւնը պատասխանատու համարվէր
 իր չնչին, թէպէտև պատահմամբ իշխանութիւն
 ունեցող, մասի պատճառով:

Յեղափոխութեան փոթորիկը, որ այժմ
 տակն ու վրա է անում Ռուսաստանը, ստեղ-
 ծում է նրա մէջ մի և նոյն ժամանակ նոր
 կարգ ու կանօն, նոր հիմքերով և պետական
 կեանքի նոր ընթացքով, որոնց հետ միասին
 չեն կարող և չը պէտք է գոյութիւն պահպա-
 նեն ծայրագաւտուային հին չարիքները: Հայ
 ժողովուրդը լի է խելացի համբերատարու-
 թեամբ: Հայերը շատ լաւ ճանաչում են իսկա-

կան մեղաւորներին,—նրանց, որոնք ստեղծե-
 ցին Անդրկովկասի այժմեան թշուառութիւն-
 ները, և գիտեն, թէ իրանց ատելութիւնն ու
 ժողովրդական զայրոյթը ում վրա պէտք է
 կենտրոնացնել. նրանք այդ զայրոյթը չեն
 ուղղում ընդհանրապէս ուսմաների և Ռուսաս-
 տանի ամբողջութեան, որպէս նոր կազմա-
 կերպվող պետական մի դաշնակցութեան դէմ,
 այլ արդարացի կերպով ուղղում են նրանց դէմ,
 որոնք արժանի են զայրոյթի: Ընդհակառակը՝
 տայ Աստուած, որ Ռուսաստանի պետութեան
 հետ կապված ամեն մի ցեղի մէջ գոյութիւն
 ունենայ ազգային փոխադարձ պաշտպանու-
 թեան անհրաժեշտութեան, ուսմաների և հա-
 յերի հաստատուն և հաւասար դաշնակցու-
 թեան այնպիսի խոր գիտակցութիւն, որպի-
 սին ես տեսայ Պարիզի հայ էմիրզանտների
 շրջաններում: Այդ շրջանները չափազանց աշ-
 խոյժ են, գործունեայ և հետաքրքրական: Նը-
 րանց աշխատանքը, որ դրված է միջազգային
 հիմքի վրա, չունի իր մէջ ոչ մի դադանիք
 ոչ նպատակի և ոչ միջոցների կողմից դա-
 սխտեմատիքական, բաց-աշխարայ մաքա-
 ում է օսմանեան պետութեան դէմ եւ-
 րօպական հասարակական կարծիքի աջակ-
 ցութեամբ:

Եթէ մեր Անդրկովկասում շարունակվի ներ-
 կայի դժնդակ քաօսը, եթէ ծայրագաւտուային
 ազգութիւններին իրար դէմ հանելու՝ թիւր-
 քիայից փոխ առած արիւնոտ սխաւեմը յազ-

թանակէ, եթէ Ռուսաստանը դժբախտութիւն ունենայ պարգևելու Կովկասին մի որ և է նոր Գօլիցին համապատասխան հրահանգներով և լիազօրութիւններով, այն ժամանակ, ի հարկէ, հայկական ազգային ինքնապաշտպանութեան աւերիչ աշխատանքը՝ բարոյական աջակցութիւն գտնելով Եւրօպայի բոլոր ազգերի կողմից,— իսկ վաղ թէ ուշ որ և մէկը այդ հզօր ազգերից անշուշտ իրան համար ձեռքնտու և օգտաւէտ կը համարէ բարոյական համակրանքը փոխելու նիւթական աջակցութեան,— ահա այդ դէպքում, ես ասում եմ, հայկական յեղափոխութեան աւերիչ թափն ու եռանդը անպայման դատապարտված են անցնելու Արաքսն և հաստատվելու Քոի փերում: 1905 թւականի ձմեռը ցոյց տուեց մեզ այդ բանի մէջ իր առաջին նշան— ծաղիկները, որոնք, ուղիղ է, անխնայ կերպով հնձվեցին կօզակների սրերով, բայց բանն այն է, որ ժողովրդական հրդեհները չէ կարելի հանգցնել արիւնով, և ուր եղել են ծաղիկներ, այնտեղ կը լինեն և պտուղներ, իսկ պտուղ հաւաքելը ամենևին այն չէ, ինչ որ ծաղիկ հնձելը: Եւ այն տխուր հանգամանքի մէջ, որ Հայկական Լեոնազաշտի արնաշաղախ հողից սպառնական կերպարանքով կը բուսնեն կարմիր տանջանքի ցաւոտ ծաղիկներ և հասունացած վրէժխնդրութեան արնագոյն պտուղներ, ռուս կառավարութիւնը, բացի իրանից, չէ կարող ոչ ոքի մեղադրել: Ամին մի

համբերութիւն վերջ ունի և ով, ինչպէս ասում է ռուսաց առածը, քամի է ցանում, նա կը հնձէ փոթորիկ: Եւ սակայն թէ իր ներքին միտումներով և թէ արտաքին նպատակներով հայ էմիգրանտների այն գործունէութիւնը, որ արտայայտում է «pro Armenia» խօսքերով և որ կատարվում ու խմբվում է նոյն անունը կրող թերթի շուրջը, մինչև այժմ սկզբունքով ոչ միայն չէ եղել հակառուսական, այլ և ոչ մի ջանք չէ խնայել միշտ անխղի պահելու և ամրապնդելու իր համար ռուսական կապերն ու համակրանքը:

Հայկական հարցի սուր կերպարանք ստանալը մեր ծանր օրերում և այն խորին զայրոյթը, որ ծնեցնում են Կովկասից հասած լուրերը, նամակներն և լրագրական տեղեկութիւնները, դրդեցին ինձ մի քանի յօդուած գրելու այն բանի մասին, թէ եւրօպական հասարակութիւնը ինչ ու ինչ է արել, անում է կամ մտադիր է անելու, որպէս զի այդ թշուառագոյն ժողովրդի համար հաստատվի որ և է քաղաքական կարգի նման մի բան, կարգ, որ կարողանար պաշտպանել մարդկային անձնաւորութիւնն և բարեկեցութիւնը:

Իէպէրից օգուտ եմ քաղում յայտնելու իմ խորին շնորհակալութիւնս բոլոր այն սնձերին, որոնք նիւթեր մատակարարեցին ինձ հայկական մարտիրոսագրութեան քաղաքական ուսումնասիրութեան համար և նրանց հետ միասին ու ամենից առաջ բժ. Ի. Զ. Լօրիս-Մե-

լիքեանին, «Pro Armenia»-յի այդ անխոնջ աշխատաւորին, որ լուսաբանեց ինձ համար հարցի բազմաթիւ մութ կէտերը վառվառն հայրենասէրի խոր անկեղծութեամբ և իսկական եւրօպայու գեղեցիկ անաչառութեամբ:

Հայկական հարցը Եւրօպայի առաջ պաշտօնապէս դրվեց միայն ուսու-թիւրքական պատերազմից յետոյ՝ Բերլինի դաշնագրի զօրութեամբ, որ իր 61-րորդ յօդուածով խոստանում էր տալ թիւրքահայերին մի քանի տարրական բարեփոխութիւններ: Որքան էլ ժլատ էին եւրօպական վեց պետութիւնների երաշխաւորութեամբ վկայագրված այդ խոստումները, այնուամենայնիւ նրանք կարծես յարութիւն տուին թիւրքական լծի տակ տանջված ու մաշված հայ ժողովրդին և արծարծեցին նրա մէջ մօտալուստ լաւագոյն ապագայի յոյսեր: Բայց... քիչ կան պատմութեան մէջ աւելի վիրաւորական, աւելի անգութ և աւելի ստորացուցիչ հիասթափութեան դէպքեր, քան այն, որ բաժին ընկաւ հայկական յոյսերին: Փոքրիկ, սահմանափակ բարիքների փոխարէն, որոնք սպասվում էին Բերլինի դաշնագրի համարեա անփութօրէն նետված 61-րորդ յօդուածից, նա, այդ յօդուածը, առաջ բերեց հայ ժողովրդի համար անսպասելի տառապանքներ, որոնք թիրեա գերագանցեցին անցած դարերի թշուառութիւնները, երբ հայը հեծում ու մաշվում էր մահմեդական աշխար-

հի ճնշման դէմ մղած պայքարի մէջ իր գոյութեան իրաւունքի համար: Ես մտադիր չեմ պատմելու ab ovo հայերի պատմութիւնը, չէ՞ որ հարկաւոր կը լինէր սկսել ասորա-բաբելական դարերից: Կը յիշեցնեմ միայն, որ հայերը քրիստոնէական քաղաքակրթութեան ամենահին ազգն են և Ասիայում մահմեդական պետութիւնների հիմնվելուց յետոյ՝ նրանք բնականաբար առաջապահակ և պատուար են մահմեդական մոլեռանդութեան արշաւանքի դէմ այդ քաղաքակրթութեան վրա: Անցկացնելով դարեր ծանր պատերազմական դրութեան մէջ, զո՞հ դարձած բազմատեսակ ազգային և կրօնական հալածանքների, հայ ժողովուրդը բնականաբար պէտք է մեծ հատուածներ առաջ բերէր իրանից դէպի Եւրօպայի և Ասիայի զանազան երկիրները: Հայաստանի բնիկ ազգաբնակիւթիւնը խաղաղ, առաւելապէս երկրագործ, արհեստի հակամէտ և առևտրի ընդունակ մի տարր է: Երկար դարերի պայքարը մահմեդականների մոլեռանդութեան դէմ կռել-կոփել է նրան և կազմել նրանից մի մեծ բարոյական ոյժ: Նրա կրօնական և ազգային անյողդողդ դիմացկանութիւնը ողողված է արեան գետերով:

Բաժանվելով Ընդհանրական ժողովից, հայ լուսաւորչական եկեղեցին, առանձնացած բիւզանդական և լատինական քրիստոնէութիւնից, սերտ դաշն կապեց ազգի հետ և դարձաւ մի տեսակ նրա պատմական նշանաբանը: Քրիս-

տանէութիւնը Հայաստանում, պաշարված ամեն կողմից մահմեդականութեան մրրկածուփ ու կիանոսով, երկար դարերի ընթացքում քաղաքակրթութեան գրօշակ էր և առաջադիմութեան փարոս: Այս պատճառով էլ երբ հայ ժողովուրդը շփվեց Մօսկվայի քրիստոնէայ թագաւորութեան հետ (XVII-դ), յարեց նրան, ինչպէս հարագատի՝ իր բոլոր համակրանքներով: Երեք հարիւր տարվայ ընթացքում հայ ժողովուրդը անփոփոխ կարապետ և օժանդակ հանդիսացաւ ռուսական ազդեցութեան կովկասում: Ռուս թագաւորները շատ լաւ հասկանում էին այդ բարոյական միութեան օգուտը և շատ անգամ աշխատում էին հաստատել և ամրապնդել նրա կապը իրանց երախտագիտական արտայայտութիւններով: Ռուսական քաղաքակրթութիւնը հայերն ընդունում էին ամենայն պատրաստականութեամբ: Հայկական ընտանիքներում երեխաներին դեռ օրօրից սովորեցնում էին ռուս լեզուն. հայը իր սրբազան պարտքն էր համարում մօտենալ ու բարեկամանալ ռուս հասարակութեան հետ, պարծենում էր ռուսի նման ապրել իմանալու եղանակով, ռուսական սովորութիւնների և բարքերի զիտութեամբ, ռուսական ինքնաեռով և ռուսերէն խօսելով:

Թիւրքահայերը նախանձով էին նայում անդրկովկասեան հայերի վրա և երազում էին մի բան միայն—տեսնել իրանց նոյն պայմանների մէջ: Վերջին ռուս-թիւրքական պատե-

րազմի ժամանակ հայ ազգաբնակութիւնը, հոգեւորականների առաջնորդութեամբ, դիմաւորում էր ռուս զօրքերին խաչով ու խաչվառով: Ռուսաց զօրքը քայլում էր դէպի իր փոքրասիական յաղթութիւնները մի երկրով, որ լռելեայն յարձակողական դաշն էր կապել նրա հետ: Հայ ինտելիգենցիան չէր զատում իրան ռուսականից, և ինչպէս ամբողջի մի մասը՝ գնում էր նրա բոլոր հոսանքների հետ, հանդէս բերելով և առաջնակարգ մարդիկ, և յետագէտներ, — ազատամիտներ և կղերականներ, յեղափոխականներ և աստիճանաւորներ, խաղաղութեան անձնատուր անձինք և գնեւերալներ, սահմանադրականներ և ինքնակալութեան սիրահար բիւրօկրատներ, նոյն իսկ միլիտարներ, ինչպէս Դեկեանօվը, և դիկտատօր, ինչպէս Մ. Տ. Լօրիս-Մելիքօվը:

Հայ գրականութիւնը կատարում էր իր կուլտուրական-կրթական աշխատանքը համարեա բացառապէս ռուս օրինապահ գրականութեան միջոցներով՝ կամ թարգմանելով ռուս կլասիքների գրուածքները, կամ փոխադրելով նրանց ու վերածելով այնպիսի ձևերի, որոնք յարմարվում են տեղական կեանքի պայմաններին: Եւ գրականապէս պնդում եմ, առանց վախենալու հերքումներից, որ մինչև իննսնական թւականները հայ հասարակական կեանքի հոսանքում, նրա որ ճիւղն ու որ ընթացքն էլ վերցնելու լինէք, չէ եղել սեպարատիստական ձգտումների հետքն անգամ և

հայ հասարակութիւնը չէր զատում-բաժանում իր բաղդը Ռուսաստանի և ուրու ժողովրդի բաղդից: Ես աւելին կասեմ. մինչև անգամ թիւրքիայում, չը նայելով զարհուրելի ձնշուճներին, որոնց ենթարկված է հայ ժողովուրդը, նա այն ժամանակ գերադասում էր Բերլինի դաշնագրի որոշ յօդուածից բղխող յոյսը պայմանական և օղային երազներից մի ինչ-որ սեփական անկախ թագաւորութեան մասին:

Յետագայում, երբ միջազգային խարուսիկ խոստումները օդը ցնդեցին, առաջ եկան ազգային խմբակներ և կազմակերպութիւններ, որոնք հռչակվեցին սեպարատիստական, բայց իսկապէս նրանց ձգտումը ոչ այլ ինչ էր, եթէ ոչ ստանալ խոստացված բարեփոխութիւնները: Այդպէս էր նոյն իսկ «Հնչակ» թերթի կուսակցութիւնը, մի թերթ, որ հրատարակվում էր Ժընէվում ուրու էմիգրանտների ազդեցութեան տակ և սօցիալիստական գունաւորութեամբ: Հէնց նոյն ուրուական ազդեցութեան ազբիւրից էլ ծնունդ առաւ հայ դաշնակցական յեղափոխական կազմակերպութիւնը՝ նախաձեռնութեամբ Պետերբուրգի և Մօսկվայի համալսարանների նախկին ուսանողների: Այստեղ, իբրև աստուածներ, պաշտվում էին Տուրգենիւզը, Դոստօեւսկին և մանաւանդ Միխայլօվսկին: Այսպէս ուրեմն, նոյն իսկ իրանց «յեղափոխութեան» մէջ հայերը չէին հեռանում ուրուական կուլտուրայի հիմունքից և

մտցնում էին նրա ուսմունքները, որպէս իրականներ, իրանց սեփական կեանքի մէջ:

Դաշնակցական այդ կազմակերպութիւնը մինչև անգամ իր ծրագրի մէջ չը մտցրեց սօցիալիստական ուսմունքների պաշտամունքը: Գլխովին անձնատուր եղած թիւրքահայերի պաշտպանութեան՝ նա իր գործունէութիւնը ցոյց էր տալիս բացառապէս նիւթական և բարոյական օգնութիւն հայթայթելով կարօտ հայրենակիցներին: Կուսակցութեան քաղաքական պահանջներն այնքան չափաւոր էին, որ 1896 թւականի նոյեմբերի 3-ին, մի հարցապնդումի ժամանակ հայկական գործերի վերաբերմամբ Ֆրանսիական պարլամէնտում, Կօշէնը (D. Cochin), մի պահպանողական և կաթօլիկ պատգամաւոր, հնարաւոր համարեց բառ առ բառ կարգալ այդ յեղափոխականների ամբողջ ծրագիրը և պատգամաւորական ժողովը միաձայն ընդունեց նրան բաւարար:

Ռուսահայերի վրա, իբրև մեղք, բարդում էին այն հանգամանքը, որ նրանք անցնում են թիւրքական սահմանը զինաւորված օգնութիւն հասցնելու իրանց եղբայրներին և փրկելու նրանց կորստեան վտանգից: Այդ հայրենասիրական բռնկման հալածողները մոռանում էին սերբիական պատերազմը, ուրու կամաւորներին և Չերնեակիին:

Ներկայումս հանգամանքները խիստ կերպով փոխվել են: Ռուսաստանի և վրդովված հայ հասարակութեան մէջ բացված է մի

լայն ու խոր վիհ: Այդ անդունդը փորելու համար աշխատել է մի վարպետ, համարեա հանձարեղ ձեռք: Պառակտումը Ռուսաստանի և հայութեան մէջ վրիժառուութիւն է թիւրքիայի կողմից այն պարտութեան համար, որ նա կրեց պատերազմի դաշտում՝ ընկճված ուսաց զէնքի ոյժից,—երբ ազատելով սլաւոններին, ուսները կանգ առան Կ. Պօլսի պատերի առաջ,—և միաժամանակ հետևանք է Ռուսաստանի դիւանագիտական պարտութեան Բերլինի կօնգրէսում: Պառակտման գլխաւոր կազմակերպողը ամենուրեք էր և դեռ մնում է —խելօք, փառասէր և շրջապատողների համար հմայիչ սուլթան Արզիւլ-Համիդը, արևելեան բռնակալի մի տիպար՝ օժտված միջին դարերի բոլոր ձիրքերով և արատներով, մի մարդ, որին Գլադստօնն անուանում էր «Մեծ մարդասպան»: Միայն ապագայի, և սյն էլ դուցե ոչ մօտաւոր ապագայի, պատմութեանը կաջողվի լուսաբանել այն խորամանկահիւս ցանցը, որով այդ թագաւիր Մաքիավէլին, ոտքից մինչև գլուխ շաղախված մարդկային արեան մէջ, կարողանում էր խաբել և դեռ մինչև այժմ խաբում ու քթից բռնած ման է անում եւրօպական պետութիւններին՝ հաստատելով իր բարեկեցութիւնը նրանց փոխադարձ երկիւղի և տարածայնութիւնների վրա:

Հասկանալի է, որ ինչպիսի էլ դաշնագրեր ու յօդուածներ գրվէին, սուլթանը չէր կարող թոյլ տալ, որ իր քրիստոնեայ հպատակների

68026

մէջ գոյութիւն ունենային ինքնավարական շարժումներ. դա ազդանշան կը լինէր թիւրքիայի կործանման և Արզիւլ-Համիդի անձնական կորստեան:՝) Առանձնապէս վախեցնում է նրան իր միահեծան սուլթանական հեղինակութեան անկումը Փոքր-Ասիայում, այդ հայաբնակ, ինչպէս անուանում է ինքը Արզիւլ-Համիդը, «պետութեան իրանի» մէջ:

Արևելքում Ռուսաստանի պատմական ախոյեան Անգլիայի օգնութեամբ՝ Արզիւլ-Համիդը ջախջախեց ուսներին Բերլինի կօնգրէսի դիւանագիտական մրցման մէջ և թէպէտ կորցրեց Բօլզարիան ու մի քանի փոքրասիական գաւառներ, բայց և այնպէս աջողութեամբ ազատվեց բարենորոգումների դատարկ խոստումներով Հայաստանի և Մակեդօնիայի համար եւրօպայի այն պահանջներից, որոնք ամենից աւելի վտանգ էին սպառնում նրան: Թէ մէկ և թէ միւս երկրի թշուառութիւնը լիակատար դարձնելու համար, բարենորոգումների իրականացումն և գործադրութիւնը յանձնվեցին եւրօպական պետութիւն-

* Մենք այս կէտում համաձայն չենք յարգելի հեղինակի հետ: Թիւրքահայաստանի «ինքնավարութիւնը» ոչ միայն վնաս չի բերել թիւրքական պետութեան, այլ նոյն իսկ անագին, անգնահատելի ծառայութիւններ կը մատուցանէ նրան: Դժբաղդաբար, «խելօք» համարված սուլթան Արզիւլ-Համիդը անհրաժեշտ է բմբռնելու հայկական ինքնավարութեան հաստատմանը, դէպի որը նա տառապանքներով և արգասիքներով անհանգստանալով շարունակում էր իր քրիստոնեայ հպատակների վրա:



ների ընդհանուր վերահսկողութեան և այս հանգամանքը զրկեց բարենորոգումները հարկադրական ուժից ու դարձրեց բերլինի դաշնագրի ազատարար յօդուածները մեռած տառ, որով սուլթանը խաղում է, ինչպէս ուզում է: Առևտրական մենարտօնութիւնների, ընծաների և դիւանագիտական զիջումներերի պատրուակով տուած «բաքչիշնների» շնորհիւ նա միշտ կարողանում է դնել մի որ և է պետութեան բարեացակամութիւնը և այդ պետութիւնը, կաշառված, համաձայնում է նրա հետ: — Մենք բարենորոգումների հարցը չենք բարձրացնի, մենք կը կը լռենք և կը պահպանենք statu quo, բայց, խնդրեմ, դուք էլ այնպէս արէք, որ ձեզանում, դոնէ արտաքուստ, ամեն ինչ խաղաղ լինի:

Սուլթանը միշտ ու անփոփոխ կերպով խոստանում է և միշտ ու անփոփոխ կերպով էլ խաբում է նոյն իսկ այդ բանում: Եւ որիշ կերպ չէ էլ կարող լինել: Նրա նենգաւոր խոստումների և քրիստոնեայ հպատակների խաղաղութեան միջև, որպէս արնախում թըշնամի, կանգնած է ամենից առաջ նրա անձնական «մեծութեան խելացնոր տենջանքը», որին կերակրելու և յագեցնելու համար նա կտրօտ է դրամի. ահա սրանով նա լցնում է իր պահարանները՝ քամելով հարկերի և բազմատեսակ տուրքերի առմամբ իր լայնայի արիւն-արտասունքը: Սուլթանին աշխատում են նմանվել նրա հաւատարիմ ծառաները, մե-

ծից սկսած մինչև փոքրը, և այսպիսով ստեղծվում է կատարելապէս անտանելի բռնակալութեան և կազմակերպված, անհաշիւ կողոպտման մի ըէժիմ:

Աբդիւլ-Համիդը հեռանկատ մարդ է: Նա նախատեսեց համապլաւօնականութիւնից և համագերմանականութիւնից առաջանալիք վրտանգը և ժամանակին, որպէս ուղղահաւատների խալիֆ, հակադրեց նրանց համխալամական գաղափարը: Համխալամականութեան գործակալ-քարոզիչները հեղեղեցին Կովկասը և նրանց կրօնական մոլի ու ճարպիկ քարոզչութեան արիւնոտ հետևանքները շուտով զարհուրեցրին Եւրօպայում ամենքին, ով ընդունակ է մտածելու և զգալու:

Բայց կացինը դիպաւ քարին: Սուլթանն և նրան հովանաւորող պետութիւնները մոռացել էին, որ հայերը մի որ և է աֆրիկական վայրենի ցեղ չեն, որ գոյութիւն է պահպանում կամ ոչնչացնվում եւրօպացիների քմահաճոյքով: Նրանք մոռացել էին, որ հայ ժողովուրդը հարուստ է պատմական աւանդներով և ազգային ինքնագիտակցութեամբ: Հայերը թոյլ չը տուին մոռացութեան մատնելու խոստացված բարենորոգումները: Նրանք անընդհատ յիշեցնում էին աշխարհին իրանց դրութիւնը տպագրական խօսքով, ցոյցերով, կամաւորների հոսանքով՝ օգնութեան հասնելու փոքր-ասիական ըմբոստներին: Այս երկու պատճառների—բարբարոս պրօվօկա-

տօրական ըէժիմի և նրա յեղափոխական դիմադրութեան—միաժամանակեայ գործունէութիւնը հասցրեց այնպիսի «խաղաղութեան», որ իր զարհուրանքով հազիւ թէ հաւասարը ունենայ մարդկային պատմութեան մէջ: 1904—96 թւականներին, սուլթանը, որ և է բարենորոգման փոխարէն, վճռեց ուղղակի ջնջել-կոտորել հայերին և ուրեմն ոչնչացնել Բերլինի դաշնագրի ձանձրացուցիչ 61-րորդ յօդուածը՝ երբ այլ ևս գոյութիւն չեն ունենայ նրանք, որոնց պէտք է նա հովանաւորէր: Կոտորածը արժանացաւ սուլթանի եւրօպական բարեկամների օրհնութեանն և բարեմաղթութեանը: — «Massacrez, Majesté, massacrez». Զարդեցէք, Վեհափառ Տէր, ջարդեցէք.— Թուսաստանի ներկայացուցիչ դեսպան Ա. Ի. Նելիդովի այս առասպելական խորհուրդը, եթէ մինչև անգամ չաբտասանվեց ի լուր, այնուամենայնիւ ճախրում էր Իլդիդ-Կիօսկի օդի մէջ ու ոզկոբելով Իսլամը՝ 300,000 հայերի արեան զին դարձաւ: Յայտնի է, որ հայկական մեծ ու փոքր կոտորածների քաղաքականութիւնը աջողութեամբ գործադրվում է մինչև հիմա:

Թուսաստանի վերաբերմունքը դէպի այդ մարդկային սպանդանոցը՝ ցաւով ու ամօթով հարկադրված ենք բնորոշել մի խօսքով,— թոյլտուութիւն: Փորձելով ազատված Բօլզարիայի յայտնի «երախտամոռութիւնը»՝ Թուսաստանը հրաժարվեց մերձաւոր Արևելքի

Քրիստոնեայ ազգութիւններին սղատարար հանդիսանալու դերից և դարձրեց քայլերը դէպի այլ ճանապարհ: Արտաքին քաղաքականութիւնից առաջացած հիասթափութիւններին միացաւ ութսունական և իննսունական թւականների ըէակցիան իր նուաճողական ծրագրով, որը համաձայն միապետութիւնը հասկացվում էր, որպէս ուղղափառութեան և ուսականութեան նշանաբան, իսկ ուսականութիւնը առաջարկվում էր որպէս պսակ ապագայ համասլաւոնական շէնքի: Համահաւասար ուսացման քաղաքականութիւնը մուռք գործեց Կովկաս մի ամբողջ շարք սիստեմատիքաբար կազմակերպված ապօրինի, խիստ կարգադրութիւնների միջոցով, որոնք ուղղված էին հայերի դէմ՝ կոպիտ և յամառութեամբ գրգռող բռնութիւնների հետ միասին: Տեղական իշխանութիւնը իր կողմից բորբոքում էր կրակը և նկատելով, որ Պետերբուրգին հաւանելի է հայերի պետական յանցաւորութեան գոյութիւնը, գրգռում էր կառավարութիւնը հայերի դէմ յաճախակի կրկնվող փքուն «փաստերով»: Առանձնապէս արտասուելի դեր առաւ իր վրա այդ ողբերգութեան մէջ կառավարչապետ Գօլիցին՝ շրջապատված կիսապաշտօնական պրօվօկատօրներով, ինչպիսին էր, օրինակ, հանգուցեալ Վէլիչկօն: Նա սիստեմատիքաբար մղում էր Կովկասի տեղական ազգութիւնները դէպի ցեղային կատաղի պատերազմ: Առաջ յանցաւոր քարոզչութիւնը

կատարվում էր մամուլի և կառավարութեան կողմից շեշտված կեղծաւոր նախապատուութեան միջոցով, որպէս զի հայերի դէմ հանն վրացիներին: Այդ ծրագիրը չիրագործվեց: Իննսնական թւականների վերջում, Գանձակում, բացվեց մի դաւադրութիւն, գտնվեցին Արգիւլ-Համիդի կոչերը և համիւլամական շարժումը դադարեց գաղտնիք լինելուց Գօլիցիների համար: Սակայն փոխանակ հասկանալու այդ գիւտից բղխող մեծ սպառնալիքը՝ կովկասեան «քաղաքագէտ» պաշտօնեան միմիայն ուրախացաւ՝ նախատեսելով համիւլամականութեան մէջ մի ապագայ զէնք հայերի դէմ: Եւ այդ զէնքը գործի դրվեց:

Ռուս-հայկական ողբերգութեան մէջ, ըստ սովորականին, ընթիստեօրի պաշտօնը կատարում էր սուլթան Արգիւլ-Համիդը: Մի ձեռքով նա ուղարկում էր դէպի Կովկաս իսլամի մոլեռանդ գործակալներին, իսկ միւսով գրքում նենգաւոր դիւանագիտական մատնութիւններ, որոնք երկիւղ էին ազդում ուսաց դիպլոմատիական շրջանների վրա, մանաւանդ որ Արգիւլ-Համիդի համար շատ հեշտ էր ձեռաց սարքել արգարացուցիչ փոքրիկ փաստեր, որոնց կազմակերպելու մէջ նա այնքան ընտել ու վարպետ է: Ռուս-հայկական յարաբերութիւնների վատացման հարցի մէջ ահագին նշանակութիւն ունէր և ուսաց արտաքին քաղաքականութեան կենտրոնի տեղափոխումը դէպի Մայրագոյն Ալեկը: Ռուսաս-

տանը մոռացաւ հայկական կուլտուրական առաջապահիկ դերի պատմական նշանակութիւնը, վճռեց, թէ հայերը Մերձաւոր Արևելքում այլ ևս իրան հարկաւոր չեն ու իր պետական նաւի վրայից դուրս շարտեց նրանց: Ռուսական զրգուիչ քաղաքականութեան խիստ և ապօրինի կարգադրութիւններին հայերը երկար ժամանակ պատասխանում էին լուսհնազանդութեամբ: Համբերութեան բաժակը լցրեց եկեղեցական կալուածների գրաւումը, — Պետերբուրգը հարուած հասցրեց հայութեան ազգային զրօշին — Եկեղեցուն — և դրանով պարզ ցոյց տուեց, որ հայերին, իբրև ազգութիւն, նա մտադիր չէ բանի տեղ դնել ու աւելորդ քնքրութիւններ բանեցնել նրանց հետ: Եւ ամբողջ հայ ժողովուրդը բորբոքվեց միահամուռ, ահամայ և բնական զայրոյթով: Նա վառվում է, եւ է գալիս, և բռնի ուժով անկարելի է հանգցնել այդ զայրոյթը:

Ռուսական քաղաքականութեան նշանաբանը Հայաստանի վերաբերմամբ դարձաւ Լօբանով-Ռօստօվսկու ասածը. «Մենք երկրորդ Բօլշաքիա չենք ուզում»: Այս խօսքերը, ի հարկ է, չափանցանց ձեռնտու էին սուլթան Արգիւլ-Համիդին, որը իր կարգին դաւանում է «Հայաստան առանց հայերի» գաղափարը: Ռուսաց դիպլոմատիան քանդեց նրա ձեռքի կապանքները՝ իրաւունք տալով ազատօրէն գործադրելու «սրի և արեան» քաղաքականութիւնը: Յայտնի է, թէ կովկասեան իշխանութիւնը

ինչպիսի խստութեամբ էր վերաբերվում դէպի հայ կամաւորները, որոնք անցնում էին սահմանը Թիւրքա-Հայաստան մտնելու: Կօզակներին պահակները գնդակահար էին անում նրանց առանց դատի ու դատաստանի, ինչպէս շներին: 1896 թւականի նշանաւոր գիշերներին Կ. Պօլսում՝ եւրօպական պետութիւնների դեսպանները միջամտութիւն գործելու համար սպասում էին ռուսաց դեսպանի՝ որպէս Թիւրքական լծի տակ մաշվող քրիստոնեաների ընական և աւանդական պաշտպանի՝ նախաձեռնութեան: Իսկ պ. Նելիզովը լուում էր և թշնամաբար ոչինչ չէր անում, եթէ միայն—ինչպէս դեռ մինչև այսօր համոզված են ականատես դեսպանները—չէր էլ գրգռում Թիւրքերին:

Սակայն ամենից ցաւալին այն է, որ ռուսաց քաղաքական բիւրօկրատիայի այսպիսի քաջագործութիւններին աւելի քան անտարբեր վերաբերվում էր այն ժամանակ և ռուս հասարակութիւնը: Պաշտօնական և կիսապաշտօն մամուլը անխոնջ հալածում ու ցեխն էր կոխում հայերին, որպէս անսանձահարելի սեպարատիստների և Ռուսաստանին դաւաճանողներին: «Новое Время»-ն տպագրում էր երևակայական ֆելիէտօններ հայկական թագաւորութեան մասին մինչև Ռուսօվ-Իօնի վրա և Русскій Странникъ-ի (հանդուցեալ Ե. Լ. Կօչետովի) թղթակցութիւնները, որոնց մէջ հերքվում էին Կ. Պօլսի կոտորածի սոսկալի իրողութիւնները և Թիւրքերը հոշակվում էին

արդար «պետական տեսակէտից»:

Մինչև անգամ ռուս ազատամիտ շրջաններում հայերի բաղդը չէր բանում: Միխայլովսկին այդ ժամանակ շնորհ արաւ ասելու հայ հայրենասէր Պր—սկուն, թէ նա հայերին ճանաչում է, որպէս չարչիների, իսկ Լեւ Տօլստօյը մերժեց Չանշիանի խնդիրը և հրաժարվեց մասնակցելու նրա բարեգործական Հաւաքածուին ի նպաստ Սասունի և Փոքր-Ասիայի ուրիշ աւերված տեղերի տառապեալների:

Այս հանգամանքների մէջ զարմանալի չէ, որ հայերի աչքերն և համակրանքը, շուռ գալով Ռուսաստանից, դարձան Արևմուտքի՝ Անգլիայի կողմը: Չէ որ Անգլիան ընդունել տուեց Բերլինի կօնգրէսում հայկական բարենորոգումները: Չէ որ Անգլիայից էին որոտում Գլադստօնի հզօր բողոքները: Յայտնի է ամենքին, որ Անգլիան, հայկական սպանդանոցի տպաւորութեան տակ, պատրաստ էր պնդելու, որ անյապաղ իրագործվեն բարենորոգումները՝ համակարծիք և աջակից ունենալով Իտալիային: Բայց դիպլօմատիական այդ արշաւանքը քանդեց Ֆրանսիան, ի դէմս արտաքին գործերի մինիստր Հանօտօյի, որ հայկական հարցի հիմունքը խիստ վտանգաւոր համարեց Ֆրանս-ռուսական դաշնակցութեան համար:

Ռուսաց դիպլօմատիայի ահագին սխալն այն էր, որ նա թոյլ չը տուեց պաշտպանել փոքր-ասիական քրիստոնեաներին եւրօպական

պետութիւնների պատերազմական նաւերի— միջազգային պահակները— մշտական ներկայութեամբ Բոսֆորում: Այսպիսով բանից դուրս էր գալիս, որ Ռուսաստանը անում է ամեն ինչ սուլթանի համար, իսկ հայերի համար— ոչինչ, ու դեռ աւելին՝ նա կարծես դաշն էր կապել սուլթանի հետ հայերի դէմ: Տպաւորութիւնը հասկանալի է: Անգլիան դարձաւ պաշտելի: Երախտագիրտութեան ոգևորված ուղերձներ մէկը միւսի ետևից թռչում էին Անգլիա՝ Գլադստոնին: Իսկ ռուս մամուլը՝ հնազանդ Ասիական դէպարտամէնտի ներշնչումներին՝ բղաւում-ճղաւում էր անգլիական դաւերի և հայերի դաւաճանութեան մասին:

Ռուսաստանի հակահայկական քաղաքակա- նութիւնը չէր կարելի արգարացնել նոյն իսկ գործնական օգուտներով ազգային եսականութեան տեսակէտից: Նա գլխովին փնասակար էր հէնց իրան՝ Ռուսաստանին, որովհետև խորտակում էր նրա բարոյական համարումը Փոքր-Ասիայում մի այնպիսի ժամանակ, երբ Մերձաւոր Արևելքի թատերաբեմի վրա ոտք էր կոխում մի նոր դերասան՝ չափազանց կարևոր, եթէ ոչ վճռողական դեր ստանձնած: Դա Վիլհելմ II-ն էր, գերմանական կայսրը, որի քնքոյշ բարեկամութեան մէջ սուլթան Աբդուլ-Համիդը պաշտպանութիւն գտաւ իր համար հաւասարապէս վտանգաւոր և Ռուսաստանից, և Անգլիայից: Ստանալով բազմաթիւ մենարտօնութիւնների զբաւականներ,

հեղեղելով Թիւրքիան իր գործակալներով և քարոզիչներով՝ Վիլհելմն սկսեց գործել երկու ձեռքով, որոնցից աջին հարկ չէր իմանալ, թէ ինչ է անում ձախը: Գերմանական դեսպանատան ներկայացուցիչը պաշտօնապէս բողոքում էր Բ. Դրանը հայկական կոտորածների դէմ, սակայն նոյն ժամանակ սուլթանի գրւպանում սլահվում էր Վիլհելմ II-ի ինքնազիր նամակը՝ մի carte blanche արքայական բարեկամին, որի մէջ ասված էր.— թագաւորի, ինչպէս կամքդ ուզում է. չէ՞ որ դու Ալլահի ստուերն ես երկրի վրա:

Վիլհելմ II-ի երկերեսանութիւնը ամենքին յայտնի է: Ոչ ոք այնպէս կծու չէր ծաղրում սուլթան Աբդուլ-Համիդին մտերմական շըրջանում, ինչպէս նա. և դա հասկանալի է, որովհետև գերմանական կայսրը շատ լաւ գիտէ իր բարեկամի անձնական կենցաղը: Բայց առևտրական հաշիւների վրա հիմնված բարեկամութիւնը հաստատուն բան է: «Անժամանակ է» — ահա Վիլհելմ II-ի լակօնական պատասխանը հայկական հարցի բոլոր ողբալաղակներին: 1902 թւականին, ամառը, Բերլինում, հէնց այսպէս էլ ասաց պ. Լօրիս-Մելիքեանին մի պրօֆէսօր, որ կայսրի անձնական բարեկամն էր համարվում. «Անժամանակ է: Մենք ճանաչում ենք հայերին, գնահատում ենք նրանց, բայց դեռ ժամանակ չէ հայկական հարցը քաղաքական հիմքի վրա դնելու»:

Ինչ վերաբերում է հասարակական կարծի-

քին՝ արդէն յայտնի է, որ Գերմանիայում արտաքին քաղաքականութեան հարցերը համարեա թէ նրա ազդեցութեանը չեն ենթարկվում: Գերմանիայի հասարակական կարծիքը դեռ շատ գործ ունի կատարելու երկրի ներքին սահմանադրական զարգացման և քաղաքական ինքնապաշտպանութեան հարցերում: Արտաքին քաղաքականութիւնը կայսրի գործն է: Կայ էլի մի զայրացուցիչ խոչընդոտ, որ զինում է Գերմանիայի հասարակական կարծիքը հայկական հարցի դէմ: Դա քաղաքական մի բամբասանք է,— թէ իբր ամբողջ հայկական հարցը ոչ այլ ինչ է, իթէ ոչ ուսական խարդաւանք և հայերը ուսական գործակալներ են: Այս վայրենի ձևակերպութիւնը՝ յայտարարված առաջին անգամ Լիբլինեխտի կողմից՝ հայերի թշնամիները աշխատեցին տարածել ոչ միայն Գերմանիայում, այլ և Անգլիայում ու մինչև անգամ Ֆրանսիայում:

Բայց և այնպէս գերմանական հասարակութեան բոլոր խաւերում և մանաւանդ՝ համալսարանական շրջաններում ու քաղաքական առաջնակարգ կուսակցութիւնների մէջ՝ հայերը ունեն անկեղծ բարեկամներ: Այդպիսիք են, օրինակ, պրոֆէսոր ֆոն-Բօր՝ Հաագայի միջազգային ատեանի պատգամաւորը, Վ. Ֆօրստէր՝ Բերլինի աստղաբաշխական դիտարանի կառավարիչը, սօցիալիստ-ոչվիզիօնիստ Բէրնշտէյնը. հայասէր էր նմանապէս հանգուցեալ պատմաբան Մօմմզէնը: Հայաստանի գերմա-

նացի բարեկամների մեծամասնութիւնը պատկանում է քարոզիչների և այն մարդկանց շրջանին, որոնք կապ ունեն բողոքական քարոզչութեան հետ Արևելքում: Նրանց զուխ կանգնած են յայտնի դր. Լէպսիուս և Բօրբախ: Բայց այդ շրջանը իր գործունէութեամբ կրօնական—բարեգործական է և չափազանց երկչոտ քաղաքական ասպարէզում,—նա վախնում է վարկաբեկ անելուց իր կրթողական հաստատութիւնները Արևելքում: Նոյն բանը պէտք է ասել և Դանիայի, Հօլլանդիայի, Բէլգիայի, Միացեալ-Նահանգների ու Ֆրանսիայի նոյնանման շրջանների մասին: Անգլիայում հայկական հարցը մի քիչ այլ ընթացք ունէր: Հայերին նպաստաւոր շարժումը՝ սկսված նոյնպէս կրօնական-բարեգործական միտումներով՝ շատ ընդարձակ չափեր ընդունեց և տիրացաւ հասարակական կարծիքին: Գլադստօնի օրոտալից ճառերի ազդեցութեան տակ՝ կառավարութիւնը հարկադրվեց ականջ դնել հասարակական խղճի ձայնին: Այս անգամ Անգլիան ծրագրել էր միջամտել հայկական գործերին՝ առանց որ և է շահի սկնկալութեան, թէպէտ և ուսու կիսապաշտօնական մտմուլը հակասակն էր պնդում: Իբրև ամենալաւ ապացոյց կարող է ծառայել դրան այն հանգամանքը, որ անգլիական պետական մարդկանց ծրագրով՝ բարեփոխութիւնների իրագործումը պէտք է յանձնվէր Ռուսաստանին: Արգայեան դքսի՝ 1896 թ.ին հրատարակած զբօյլը ուղ-

զակի յայտարարում էր, որ հայկական հարցի վերաբերմամբ Անգլիան պիտի գերադասէ մինչև անգամ Ռուսաստանի գերիշխանական հովանաւորութիւնը իրերի այժմեան դրութիւնից. նոյն իսկ մինչև հիմա անգլիական ազատամիտները՝ հաւատարիմ մնալով Գլադստօնի աւանդներին՝ կրկնում են, որ հայկական հարցի լուծումը Ռուսաստանի գործն է: Բայց, ինչպէս արդէն ասացի, մարդասիրական քաղաքականութեան այդ բռնկումը փշրվեց՝ զարնվելով Ռուսաստանի դրական մերժմանը, որին աջակցեց և Հանօտօն: Անգլիան մնաց սուանձնացած չափազանց թույլ Խտալիայի հետ միասին: Սուլթանն էլի մի անգամ գերազանցեց Եւրօպայից քաղաքական խաղի մէջ, — և զուր ու անպարտ տեղը սպանված 300,000 հայերի կորուստը մնաց առանց հատուցման...

Անգլիայի քաղաքական պարտութիւնը հայկական հարցում աւելի ևս մեծ զժբախտութիւն էր հայերի համար այն պատճառով, որ այնուհետև անգլիական կառավարութիւնը՝ տեսնելով իր անգորութիւնը որ և է կերպ օգնելու գործին, աշխատեց վերջ դնել հայասիրական հոսանքներին, որպէս զի սրտատրոփ սպասող ազգին չը ներշնչէ զուր յոյսեր, որոնց իրականացման ահնայատնի անհնարաւորութիւնը չափազանց վիրաւորական կերպով կը վտանգէր Արևելքում բրիտանական անուան բազմամեայ հմայքը:

Բացի սրանից հէնց այդ ժամանակ վրահասաւ և Տրանսվալեան պատերազմը, որ ամբողջովին կլանեց անգլիական ժողովրդի ուշադրութիւնը: Հայաստանի սակաւաթիւ բարեկամները, որոնք հաւատարիմ մնացին նրա դատին, իր գործունէութիւնն արդէն դադարեցրած մասնաժողովի անդամները և զլադստօնականները կորցրին իրանց յոյսը՝ երբ և իցէ կանօնաւորելու հայկական հարցը: Մինչև անգամ այնպիսի անյողողդ հայասէրներ, ինչպէս, օրինակ, «Contemporary Review»-ի խմբագիր Բէնտինգ, այժմ խոստովանում են, թէ 1902—1903 թւականներին նրանք պատրաստ էին ինչով կամենաք զբաղ գալ՝ որ հայկական հարցին այլ ևս վիճակված չէ ջրերի խորքից կրկին երես զուրս գալու Անգլիայում:

Եւ եթէ յիրաւի չարաբաղդ հայկական հարցը չը խորասուզվեց ջրերի անդունդն ու չը խեղդվեց՝ պէտք է շնորհապարտ լինել Ֆրանսիային, ուր, հակառակ շահագրգռված դիւանագէտների ջանքերին՝ ոչնչացնելու «կարմիր սուլթանի» խմբական սպանութիւնների հարցը, Հայաստանի զարհուրանքները միահամուռ արձագանք էին գտնում ընդդիմադիր կուսակցութեան երկու թևակողմերում ևս, թէ կաթօլիկների մէջ, ի դէմս Ի. Կօշէնի, կոմս դը-Մէնի և, մանաւանդ, հայր Charmetan-ի, որ հրատարակեց հայ ժողովրդի նշանաւոր մարտիրոսագրութիւնը, և թէ սօցիալիստները մէջ, որոնց զլուխ էին կանգնած ժօրէսը և

Պրէսանսէն: Անմոռանալի է ժամ ժօրէսի շանթահարող ուժեղ ճառը, երբ նշանաւոր հռետորը, պատգամաւորական ժողովում արված հարցապնդումի ժամանակ, կձու մտրակելով ոռու-ֆրանսիական միութեան քաղաքականութիւնը, ծանր յարձակումներ գործեց յայտնի ձևակերպութեան վրա, որ իշխան Լօբանօվ-Րօստօվսկին բռնի փաթաթել էր ոռուսաց փոքր-ասիական քաղաքականութեան ընթացքին:

— Ես չեմ կամենում, որ Հայաստանը դառնայ երկրորդ Բօլզարիա և որ ոռուսահայերը օգուտ քաղեն թիւրքահայաստանում բարենորոգումների միջոցով հաստատվելիք հիմնարկութիւններից և հանեն նրանց մեր դէմ:

Փրանսիայում ևս հայկական հարցի ճանապարհին գտնվեց իր գայթակղութեան քարը — Դրէյֆուսի գործը: Սակայն այն մարդիկ, որոնք մի անգամ յանձն էին առել հայկական դատի պաշտպանութիւնը, ամուր բռնել էին նրանից: 1900 թւականին Փրանսիայի ամենից աւելի առաջադէմ և ակնաւոր գրականագէտները՝ Անատօլ Ֆրանս, ժամ ժօրէս, Կլէմանսօ և Պրէսսանսէ՝ հիմնեցին «Pro Armenia» թերթը: Այդ հրատարակութեան իսկական խմբագիրը դարձաւ պ. Քիյառ, — մի բանաստեղծ և հրապարակախօս, որ ակնատես էր եղել Կ. Պօլսի կոտորածներին: Թերթը շատ շուտով ժողովրդականութիւն ստացաւ և լայն չափերով տարածվեց ոչ միայն Փրան-

սիայում, այլ նաև ամբողջ Եւրօպայում: Նա լաւագոյն ազբիւրն է ճշգրիտ և ոչ-կուսակցական տեղեկութիւնների հայկական գործերի վերաբերմամբ: Նրա աշխատանքը, յարգանքով ընդունված եւրօպական բոլոր պետութիւնների մէջ՝ առաջնակարգ մամուլի ամենից աւելի պատկանելի օրգանների կողմից՝ իբր ցեղեցոյց հայկական գործերում, մի կերպ, կ սրծես, յարութիւն տուեց հայասիրական համակրանքներին և ցոյցերին: 1902 թւականին Բրիւսսելում բացվեց հայասիրական կօնգրէս, որին մասնակցում էին Փրանսիայի, Իէլզիայի, Դանիայի և այլ երկիրների ներկայացուցիչները: Համաժողովը շատ էլ բազմամարդ չէր, բայց նրա վճիռներին ջերմ արձագանք տուին և միացան ժամանակակից քաղաքակրթութեան ամենաականաւոր անձինք: Այդ օրերից սկսած հայկական հարցը Փրանսիայում արագութեամբ աճում ու ծաւալվում է քաղաքական բոլոր խաւերի ու կուսակցութիւնների մէջ՝ անփոփոխ առաջ գալով բոլոր միջազգային կօնգրէսներում, որոնք շօշափում են այս կամ այն ճնշված ազգութեան գործերը: Այդ ցիրուցան կայծերը միացնելու և նրանցից ամբողջական բոց ստեղծելու նպատակով՝ կազմակերպվեց հսկայական միտինգ Chateau d'Eau թատրօնում — մի նշանաւոր իրողութիւն, որ արտասովոր կարեւորութիւն ունէր ոչ միայն հայերի, այլ նաև Փրանսիայի համար. — թերևս առաջին անգամ տեսնում էր Փրան-

սիան, որ ամենաբազմազան և սովորաբար միմեանց թշնամի կուսակցութիւնների ներկայացուցիչները կարողացել են համաձայնվել միաբան գործելու համար, խաղաղ կերպով մտեցել են իրար և խօսում են իբրև մի անձնաւորութիւն՝ մի ընդհանուր և ներդաշնակ բողոք արտայայտելով: Այդ բողոքի մէջ թիւրքական կարգերի դէմ միացել էին իրար հետ պահպանողական—կալօլիկներ, ինչպէս Դ. Կօշէն և Պօլ Լէրօլ, սօցիալիստներ, ինչպէս Փօրէս և Պրէսսանէ, նացիօնալիստներ, ինչպէս Միլվուա, օպպօրտիւնիստներ և արմատականներ, ինչպէս Անատօլ Լէրուա Բօլիէ կամ Դէստուրնէլ զը Կօնստան, Հաագայի միջազգային ատեանի նախկին պատգամաւորը, մի եռանդոտ քարոզիչ խաղաղ քաղաքականութեան, որ և ընտրվեց միտինգի նախագահ:

Ինչոր կուսակցութիւնների այս բարձրագոյ բողոքը ստեղծեց համակրական ցոյցերի մի ամբողջ հոսանք քաղաքակիրթ աշխարհի դանազան անկիւններում, և առանձնապէս արձագանք դտաւ Իտալիայում, ուր աղմկալից ցոյցեր կազմակերպվեցին Միլանում, Գինուալում, Հոմօում և այլ մեծ քաղաքներում: Այդ բոլոր ժողովների նշանաբանը բնակիւնաբար Բերլինի դաշնագրի 61-րորդ յօդուածն էր և բարենորոգումների պահանջը:

Հայկական գործի կենդանացմանը մեծապէս նպաստեցին նրա հետ կցորդ մակեդոնական

հարցի բորբոքումը 1903 թւականին և թիւրքական խժոժութիւններից առաջացած նոր դարհուրանքները: XIX-րորդ դարի վերջում, Հաագայի միջազգային ատեանի մէջ արտայայտված գաղափարների և արևմտեան Եւրօպայի պետութիւնների մէջ դէմօկրատիայի զարգացման ազդեցութեան տակ՝ դիւանագիտութիւնը փորձեց, կարծես, ընդունելու խաղաղ և մարդասիրական նոր հոսանքներ: Իբրև հակակշիռ «զինված խաղաղութեան» յետդէմ դաշնակցութիւններին՝ որոնք հետամուտ են նուաճման և ստրկացման նպատակներին, սկսեցին կազմակերպվել ազգային խմբակցութիւններ՝ ձգտման կէտ ընդունելով խաղաղ քաղաքականութիւն և փոխադարձ համաձայնութիւն: Այսպիսով ստեղծվեց մի նոր երեքպետեան դաշնակցութիւն Ֆրանսիայի, Անգլիայի և Իտալիայի մէջ—Եւրօպայի այդ ենթազրեալ վահանը հիւսիսային պետութիւնների նուաճողական փորձերի դէմ: Դիւանագիտական նոր շարժումը հայկական հարցի համար ունեցաւ այն հետեանքը, որ հրաւիրվեց միջազգային ժողով և կազմակերպվեց 1903 թւականին Պարիզում Ֆրանկօ-անգլօ-իտալական միտինգ՝ հսկայական ցոյցով pro Armenia Սարա-Բերնարի թատրօնում: Ֆրանսիական բազմաթիւ ընկերութիւններ և ակումբներ միացան միտինգի ազատագրական բանաձևերին, իսկ իտալական քաղաքները, ինչպէս միշտ, ետում էին հա-

մերաշխութեան միտինգներով: 1904 թևակա-
նին միտինգը, նոյն միջազգային նախաձեռ-
նութեամբ, կրկնվեց Լճնդօնում: Այստեղ էլ
նորից հետաօրական ամբիօնների վրա հաւա-
սարապէս բարձրացան Անգլիայի և աղատա-
միտներն, և պահպանողականները՝ համակված
միահամուռ համակրանքի զգացմունքով դէպի
տառապող ժողովուրդն և լի զայրոյթով—գէ-
պի նրա թշնամիները:

Այս է ահա հայկական հարցի վիճակը ա-
բևմտեան երեք մեծ պետութիւնների հասա-
րակական կարծիքի մէջ: Հիմա տեսնենք, թէ
աջողութեան ինչպիսի հաւանական յոյսեր
ունի նա նոյն երեք պետութիւնների կառա-
վարչական շրջաններում: Ո՞ւմ վրա նա կարող
է յոյս դնել էական ճնշում գործելու համար
այն չարանենգ ոյժի վրա, որ նեղում է հա-
յերին: Ոչ մի կասկած չը կայ, որ խմբական
միջամտութեան ժամին՝ ազատասէր, գէմօ-
կրատիական Իտալիան յետ չի մնայ ուրիշ պե-
տութիւններից, բայց նա չափազանց թոյլ է
միջամտութեան նախաձեռնող հանդիսանալու
համար: Անգլիան, մի անգամ այրելով շըր-
թունքներն այդ նախաձեռնութեան գործում,
հաստատապէս վճռել է այլ ևս փորձութեան
չենթարկել ոչ իր պետական հեղինակութիւնը
և ոչ ազգային ինքնասիրութիւնը: Մնում է
յոյսը դնել միմիայն Ֆրանսիայի վրա, մա-
նաւանդ որ Անգլիայի կողմից շատ անգամ
աջակցութեան խոստումներ են արված նրան,

եթէ միայն նա իր վրա առնի առաջարկու-
թիւնների ձեռներէցութիւնը: Բայց Ֆրան-
սիան լուում է: Լուում էր նա և Հանօտոյի
ժամանակ, որ իր արտաքին քաղաքակա-
նութեան մէջ պարում էր այնպէս, ինչպէս
փչում էին Պետերբուրգում արտաքին գործերի
մինիստրութեան մէջ: Լուում էր նա նոյնպէս
Դելկասսէի օրերում, որ ամեն բանում աշխա-
տում էր հակառակ գնալ իր ամենակատաղի
թշնամուն՝ Հանօտոյին, և բացի սրանից հա-
մարվում էր ու ինքն էլ ցոյց տալիս իրան,
իբր եսանդոս հայասէր: Լուում է Ֆրանսիան
և հիմա: Լուութեան հանելուկը, որ ոչ ոքի հա-
չար գողտնիք չէ Եւրօպայում, ուսաց կա-
ռավարութեան սիստեմատիքական հակակրան-
քի մէջ է գէպի հայերը, կառավարութեան,
որ յամառութեամբ փակում է իր հանրապե-
տական դաշնակցի բերանը՝ անդադար յիշեց-
նելով, որ ամեն մի եւրօպական միջամտու-
թիւն հայկական հարցի մէջ Պետերբուրգը կը
համարէ casus belli (պատերազմի առիթ):
Ֆրանսիայի կամքը՝ ազատելու կորնչող ազգը՝
միշտ փշրվում էր՝ դիպչելով ուսական դիւա-
նագէտների դիմագրութեան: Նրա հնաւանդ
սիստեմն է՝ կտակված գեռ Մետտերնիխից մեր
զանազան Նէսէլրօզներին, Գօրչակօֆներին,
Գիրսերին և նրանց յաջորդներին՝ երբէք հաշի
չառնել ազգութիւնները, այլ միայնեկիւրները:
Այդ գիպլօմատիան միշտ համարւում էր Փոքր-Ա-
սիան մի համեղ պատառ, որին ճակատագրա-

կան կերպով վիճակված է ընդլայնելու ապագայում ուսաց պետութեան սահմանները. նա համարում է այդ երկիրը ուսական մի ապայայ նահապ, և թուում է նրան, որ հայերը այդ նպատակի համար խոչընդոտ են և անյարմար: Նա զոհում է ազգը՝ մտածելով երկրի մասին:

Վայր ի վերոյ զիտոյ անձնաւորութիւններին՝ եւրօպական հասարակական կարծիքի իմ այս պատմած պայքարը հայկական դատի համար կը թուայ, գուցէ, աննշան և յամենայն զէպս չափազանց թոյլ, զինազուրկ:

Մի կողմից՝ թիւրքական կոպիտ գրոհն է և Ռուսաստանի սառնարիւն թոյլտուութիւնը, իսկ միւս կողմից—միտինգների պլատօնական բանաձևերը պետութիւնների բացարձակ անզօրութեան հետ միասին: Եւ սակայն այդ պլատօնական փոթորիկների արձագանքը շատ անգամ ստիպել է նոյն իսկ անսանձահարելի Արդիւ-Համիդին խոր մտածման մէջ ընկնել և վայր իջեցնել անխնայ կոտորելու համար բարձրացրած ձեռքը: Եթէ վրդովված խղճի այդ ազադակները չը լինէին՝ Մասունի վերջին կոտորածը, անկասկած, զարհուրելի չափեր կը ստանար: Ինչ վերաբերում է Ռուսաստանին՝ նրա կորուստը ակներև է: Թոյլ չը տալով պետութիւններին կատարելու իրանց պարտաւորութիւնները Փոքր-Ասիայի հայերի վերաբերմամբ՝ նա իր զէմ հանեց եւրօպայի հասարակական կարծիքը և սպանեց հաւատը

զէպի իր կոչումը Մերձաւոր Արևելքում: Ամեն մի փորձ Ռուսաստանի կողմից ընդլայնելու իր երկիրը ի հաշիւ Փոքր-Ասիայի կընդունվի եւրօպայում որպէս յաւակնութիւն հողային կոպիտ յափշտակութեան և կարգելի պետութիւնների հաւաքական ուժով: Կար ժամանակ, երբ ուսաները եւրօպային թուում էին թիւրքերից աւելի գերադասելի Փոքր-Ասիայում,— ուսական անշնորհք և անխիղճ դիպլօմատիան ստիպեց մօտանալ այդ ժամանակը: Այժմ— Արդիւ-Համիդը ինչքան էլ որ կոտորէ, կամ այն մարդիկ, որոնք անգիտակցաբար կատարում են նրա կամքը՝ ինչքան էլ հայի արիւն թափեն թուրքերի և կօզակների սերով,— զրանով ուսական քաղաքականութիւնը ոչ մի թղաչափ հող անգամ չի շահի Փոքր-Ասիայում: Իլդիդ-Քիօսկի հովանաւոր և անգիտաբար նրա քաղաքականութեան գործակալ՝ հանդուցեալ իշխան Լօբանօվ-Ռօտօվսկին սպանեց ուսաց պատմական աւանդները Մերձաւոր Արևելքում և փակեց Ռուսաստանի առաջ Փոքր-Ասիայի դռները, իսկ թիւրքիայի համար հարթեց ճանապարհը զէպի Արարատ և զէպի Ախուրեան: Մենք թոյլ տուինք և օգնեցինք կոտորելու մեր բարեկամներին,— մեզ պատժեց բաղդը՝ տալով բարեկամական երկիրները՝ մեր կատարեալ անզօրութեան պատճառով պաշտպանելու նրանց՝ մեր կատաղի թշնամիներին: Ուր անյայտանում է հայը՝ այնտեղ բոյն են դնում քիւրդը, թուր-

քը և թաթարը: Ի դէմս հայերի մենք դաւա-
ճանեցինք Ասիայում եւրոպական կուլտուրա-
յին և հազար-հինգհարիւրամեայ քրիստոնէա-
կան քաղաքակրթութիւնը նետեցինք Իսլամի
ոտների տակ: Իսլամը անգործ չէ նստած, իսկ
պատմութիւնը այսպիսի սխալներ, ու այն էլ
չարամիտ սխալներ, չէ ներում երբեք:

Պարիզ, 1906 թ. փետրվարի 5.



Գ. Գալստեանի—«Գոլտտենըերզի» հրատարակութիւնները:

1. Պօմպէյի վերջին օրերը, Լօրդ Լիտտօնի, թարգմ. Յ. Միրզայեանի . 1—50 կ.
2. Ասպետ, Վ. Փափաղեանի . 15 կ.
3. Կեանքը ծովերի խորքում, Լուսկեվիչի, թարգմ. Ստ. Մալխասեանի . 30 կ.
4. Տրիլոփ, դրամա 4 արար. թարգմ. Լ. Մելիք-Աղամեանի . 25 կ.
5. Եղ-աստ, փոք. 1 արար. 2 պատկեր. Յակ. Ղազարեանի . 25 կ.
6. Դարվինիզմ, Ս. Բալադեանի (Դարվինի պատկերով) . 50 կ.
7. Ազնիւ գոգ վիպակ Յ. Մ. Դաստայեվսկու, թարգմ. Ն Չ. . 10 կ.
8. Ինքնավարութիւն և Չէմսովօ, Բերկօնսկու, թարգմ. Կ. Չալալեանի . 15 կ.
9. Տնտեսագիտական գրոյցներ, Կարիչի, թարգմ. Կ. Չալալեանի . 40 կ.
10. Къ введению на Кавказѣ Земскаго Самоуправленія Кн. Г. М. Туманова . 20 կ.
11. Բերականութիւն մայրենի լեզուի (Ա., Բ. և Գ. մաս) Ս. Պարսանեանի . 75 կ.
11. Ընդհանուր պատմ. Հին-Դար, վիշազբարդովի թարգմ. Սաժակի . 1 ր. —
12. Եւրօպա և Հայաստան, Ա. Ամֆրատէատրովի . 10 կ.
14. Փուչ զաւակ, դրամա 5 գործ. Գ. Լարաջեանի . 50 կ.

Գումարով գնողներին գիջումով: Գրախանութիւն վերադիր վճարով ուղարկում է միմիայն նրանց, որոնք ուղարկում են կանխավճար: Գրմել.—Тифлисъ Книжный магазинъ «Гуттенбергъ» Г. И. Галустьяну

ՀՀ Ազգային գրադարան



NL0198279

